

# 【海嘯警告，現正生效】

作者: 湯加群島

Powered by [紙言](#)

# Ep.1

「午夜十二點半 依家由張浩軒為你報道一節新聞 呂宋海峽發生9.8級強烈地震 屬於淺層地震 台灣感受到強烈振感 台南至菲律賓一帶受到海嘯影響 暫時未有傷亡報告 天文台表示 今次海嘯高度可能達到五米或以上 並且預料大概半小時後到達本港 呼籲住喺沿海地區或低窪地區嘅居民立即走到高地 運輸署宣布 將會喺十二點四十五分關閉大部份過海隧道」

「喂 我走先啦 我趕住返去氹我個仔瞓覺啦」  
「咁好啦 你走先啦 我仲有好多未做晒」  
「喂話說你使唔使咁博命啊 淨係為左層樓個首期姐 使唔使咁盡呀」  
「咁無辦法啦 我女朋友係都話想要層樓 做男朋友嘅 冇理由得個講字架」  
「但係我驚你到時冇錢無命搵啊...」  
「得啦唔使擔心我架啦 你返去氹你個仔瞓覺啦」  
「咁好啦 我走架啦 聽日見啦」  
「記得唔好留野呀」  
「得啦 咁長氣嫁你」

我係啊Ken 係一個21歲普普通通嘅文員仔  
為咗買層樓 我犧牲左我嘅作息時間來換層樓  
當然唔少得女朋友嘅支持啦 雖然佢唔知道我日日開OT係為左買樓  
但係佢應該都知道我喺公司咁努力 都係為咗換取佢一生嘅幸福  
每日見到佢嘅笑容 都已經好似訓左十幾個鐘咁

但係點都估唔到 會有啲咁嘅事發生  
我本來諗住呢啲事就淨係可能會喺其他國家發生  
但係今日·居然發生係自己身上

「喂？你今晚幾點返啊？使唔使我留嚟俾你食啊？」  
「唔使啦 我自己買外賣返嚟食得架啦」  
「你又食外賣啊 好傷身架 你都係食我留畀你啲啲啦」  
「你話點就點啦 我只不過唔想勞煩你啫」  
「咁好心啊 唔同你講啦 我聽日仲要返工 你好早啲返嚟啊」  
「得！收到！」  
「拜--」  
\*收線\*

「我都係早啲做完早啲返去啦」  
「咦但係頭先收音機好似封隧道嗰...」  
「可能係我聽錯啦無啦啦封乜鬼嘢隧道啊」

但係我唔係聽錯 而係我逃避現實  
當時我淨係想快啲完成手頭上嘅工作  
但係完全冇諗過出面發生緊啲咩事  
我發現嗰陣時 一切已經太遲...

我公司係56樓 都算睇到維港  
只係有啲大廈會阻住咗  
但都好清晰咁見到個海  
而我工作嘅位置又咁啱對正個窗口 無聊發呆果時都可以睇到有船隻經過  
而當時 我就見到海嘯卷到來的景象

原來海嘯 唔係我想像之中一個海牆咁樣卷過黎  
而係好似倒瀉水咁 一步一步咁樣侵食陸地

## Ep.2

「凌晨一點 依家由張浩軒為你報道一節新聞 呂宋海峽發生9.8級強烈地震 地震造成台灣及菲律賓多人死傷 並且造成多條海底電纜中斷及嚴重受損 導致東亞區內網際網路、國際電話服務受阻 多個國外網站例如YouTube Facebook Google等網上服務受阻 通訊軟件 Whatsapp 亦受到影響...」

「你嘅電話暫時未能接通 請係\*必\*一聲之後留低口信」  
「Whatsapp佢哋又未復 睇來果兩母子都應該瞓咗啦...」  
「咁就無謂再騷擾佢哋啦」

我坐係間靜寂無人嘅巴士度 自言自語  
我叫承哥 我個仔成日叫我 李嘉誠  
雖然 我唔係好鍾意呢個名  
但係佢每次叫我 我都應佢

今年都已經成38歲 就快要諗定退休嘅事  
我老婆成日同我講 「你係咪要做文職做死一世？」  
我咁樣做都係為咗供我個仔讀書啫 等佢第時唔好好似我咁頹廢

佢每晚見到我都好開心 因為我哋相處時間好少  
好少係佢瞓之前返到黎 大多數都係十點十一點先至返到來  
所以我盡量都係搵錢同埋相處之間搵個平衡點  
但係 我又唔忍心第時佢又重蹈我既覆轍

「咁靜 都係聽下歌先啦」  
就係咁 《我和春天有個約會》係我耳機中響起左  
都幾岩係呢個時候聽

唔知點解巴士越行越慢  
呢個時候 公路上嘅響安聲打破咗呢度嘅寂靜...  
我望一望個窗 前面唔知點解好塞車  
明明都已經夜深啦 乜仲有咁多人放工咩  
而且我聽到樓下嘅人粗口橫飛 引起我好奇落去樓下睇下

「行快啲啦Hi 你 我趕住返去搵我屋企人啊」  
「頂你前面發生乜向左走向右走野事呀 阻勁住晒」  
「Hi電話又打唔通 又塞車啫」

「有冇人知道前面發生乜嘢事呀？」我問  
「我都唔向左走向右走知啊 啲新聞話有海嘯之後 就成對人擁晒落去條路道」  
「係呀 12點之後呢度好塞車啊 電話又話線路繁忙」  
「海嘯？」我繼續問  
「你唔向左走向右走知咩 新聞話有5米高嘅海嘯打到來呀嘛 仲叫人疏散添 呢度咁多人都唔知點疏散」

我聽完佢講之後 即刻上網搵吓

「以下地區受海嘯影響屬高危：所有離島區·西貢·土瓜灣·大澳·新界西北」

「新界西北...? 唔向左走向右走係呀」

## Ep.3

「凌晨一點半 依家由黃維為你報道一節新聞 呂宋海峽發生9.8級強烈地震  
引發既海嘯造成台灣及菲律賓多人死傷 其中大部份都係漁民及村民 其海嘯亦波及華南多個沿岸城市  
包括本港 管理大亞灣核電廠嘅中華廣東核電集團表示 已經做盡一切準備措施  
並且聲稱該核電廠堅不可摧 可抵受十米高既海嘯」

我好奇咁走左去公司嘅落地玻窗睇吓

「Hi...都唔知係咪真嘅 又話半個鐘頭後到 都有嘢發生...」我望住遠處既維港  
我公司位於中環 返工都叫做好方便  
對我來講 我幾乎日日都見到維港兩岸  
差唔多日日都一樣 返工放工 習以為常

直至 我開始見到遠處有條白色線

「嗰個係海嘯？ 唔好同我講笑啦」  
一開始只不過好似好過同一個浪  
後來越來越近 尤其係夜晚 格外明顯...  
我見到維港兩旁有啲人喺度望住佢嘅來臨  
雖然太遠聽唔到佢地講乜 但係想像都可以想像到

「天文台警告 切勿站在岸邊 立即走到高地 以免造成不必要的傷亡」

我見到果波海嘯慢慢進入維港 我先開始驚

「Hi Hi啦」望住嗰波海嘯一路前進 完全無暫停嘅跡象  
佢鏟上陸地個一刻 我就知道企係岸邊果啲人無一幸免

「Hi 一陣間點走好呢」  
我完全放低左手頭上嘅工作 呆望住出面嘅海嘯  
就好似日本311海嘯果時咁  
唔同嘅係 海浪係由東向西咁掃過嚟  
我隱約咁見到紅礁果面慢慢俾海嘯淹沒  
我簡直唔相信自己嘅眼睛  
「我肯定做下野瞓着咗 發緊夢」  
但係事實同我講 我只不過逃避現實

我見住啲浪逐步靠近我呢度 我考慮逃走

「但係走既話 下場可能同係岸邊啲人一樣」  
不過唔走既話 我可能會斷水斷糧...

經過深思熟慮之後 我決定留守係56樓

「我唔想咁快就落去送死...」

個波浪開始喺灣仔上岸 我亦都知道

我都唔會避得過海嘯覆蓋嘅命運  
每條街道 每個路口 慢慢咁比海水佔領  
好彩今日我架車拍咗係停車場 如果唔係就同出面啲車一樣  
呢個場面好震撼 你唔係現場你唔會感受到呢個感覺

維港一夜之間變左威尼斯 大廈同大廈之間  
道路變咗河流 水深至少有一兩米

如果有人已經瞓咗 唔知道海嘯已經發生  
起身果時可能以為自己發緊夢

突然間 差唔多成個維港嘅燈熄晒  
我都包括在內 電纜都被破壞埋  
窗外漆黑一片 已經睇唔清邊度已經淪陷左

「Hi今晚唔向左走向右走洗訓啦」

## Ep.4

「凌晨二點 依家由黃維為你報道一節新聞 呂宋海峽發生9.8級強烈地震 引發既首波海嘯已到達本港西部 造成多區嚴重水浸 其中以維港兩岸多區及大埔最為嚴重 海嘯造成多條供電纜線受到破壞 引發多區停電 天文台表示 海嘯稍後將會到達新界區 呼籲居民切勿降低戒備...」

「喂 睇吓 嗰個係咪就係海嘯呀？」  
「好似就係啦 Hi都冇我想像中咁恐怖嘅」  
「你冇睇日本嗰個海嘯咩 佢都係咁樣咋咯 唔好睇小啊 破壞好嚴重架」  
「我仲以為好似電影咁架添 成個海牆咁樣琴過嚟」

巴士上面嘅人眾說紛紜 有啲係度吹水  
有啲係度FF 亦都有啲係咁擔心緊自己嘅屋企人包括我在內  
我住喺新界西 雖然唔係好近海  
但係心裏面仍然有種無形嘅擔心...

每日 由於我係香港島工作  
為咗方便 我多數都係搭968返屋企  
因為我多數好夜先至返屋企  
巴士對我來講較為舒適 又可以聽歌 又可以瞓陣覺  
到站就會自然醒 可能係因為咁所以我鍾意搭巴士

而家 我滯留咗係汀九橋 唔上唔落  
出面仲有人走出車 去睇下個個海嘯  
平時車來車往嘅公路 如同被佔領一樣用來變做觀賞台  
條橋本身就能夠抵擋海浪 所以應該唔會倒塌

突然之間 出面一片漆黑  
原本燈火通明嘅青衣 而家得返公路街燈  
雖然地形遮擋左我嘅視線  
但係我依然勉強見到南面嘅貨櫃場已經被海水淪陷左  
而係我呢面 海嘯呈一直線咁樣略過青馬大橋  
直衝去馬灣同埋深井 而且沿岸嘅公路仍然有好多車輛滯留  
可能仍然對面前嘅海嘯束手無策 佢哋不為所動  
可能已經棄車逃走

「不如我哋行返去啦橫掂前面嘅車已經唔郁」有乘客建議  
「你癡線呀 由呢度行返去市中心有排咯！行到2046都仲未返到去啦！」  
「咁唔係可以點姐 就咁企響度坐以待斃啊？」  
「咁都好過你行到返去已經死咗呀！」  
「等陣 唔好嘈住！」有人攞住收音機喺度講

「運署宣布 由凌晨兩點起暫停所有交通運輸直至另行通知 以免造成交通意外或人命傷亡」

「我Hi！去到汀九橋中間你先同我講暫停交通運輸？咁我架車點樣揸返出去呀！」

此時 好多司機大佬爆發怨氣 粗口橫飛  
咁又的確係幾尷尬 係條高速公路度滯留  
仲要唔上唔落 榫唔返架車走  
搞到好似犯咗法咁

突然 有啲噪音係我耳邊響現  
啲聲有啲似雜物互相碰撞嘅聲音  
仲夾雜着啲尖叫声...  
我回頭一望  
「成條青山公路唔見咗」

## Ep.5

「凌晨二點半 依家由黃維為你報道一節新聞 呂宋海峽發生9.8級強烈地震 引發既首波海嘯已經抵達香港 維港兩岸嚴重水浸 新界西及大埔至馬鞍山一帶亦收到水浸報告 海嘯亦波及本港多條主要公路 包括青山公路及海底隧道等 醫管局表示 各區醫院已經增派人手 並出動飛行服務隊全力搜救被困嘅民眾」

「出面黑仔仔都唔知睇乜」  
我望住出面漆黑一片嘅維港 恍似舉行緊熄燈一小時  
心裏面一片空白 真係唔知應該做啲乜

我個女友—啊米 住喺青衣 坐車出黎搵我都叫做容易  
但係佢都好耐冇出過黎搵我 反而係我搵佢多  
咁又係嘅 冇理由每次都要女既出嚟搵我  
話時話 我都好耐無同佢一齊行香港島

「你嘅電話暫時未能接通 請遲啲再打過啦」  
「都打左十幾次電話架啦 仲未接嘅 會唔會出咗事呢」  
係我呢個位置 睇唔到青衣  
更何況喺停電嘅情況之下 望到嘅只有街燈  
當我系度觀察緊環境嘅時候 我開始見到天空嘅星星  
我抬頭一望

「Hi 你呀 咁向左走向右走靚嘅」  
原來當城市嘅霓虹燈熄晒食之後 就剩低天空喺度發光  
比起嘩眾取寵嘅LED燈飾 簡簡單單幾個星座都比佢靚  
比起眼花撩亂嘅展板 漫天星際既景象俾佢靚十倍  
依個維港雖然好陌生 但係又似曾相識  
呢個情景 我就淨係太空館見過...

突然間 我電話響起左

「一定係啊米打電話返嚟」我心諗

「喂？」

「喂？啊Ken 你有冇事呀？」原來係承哥

「冇事呀 我仲係棟大廈度 不過就停晒電」

「哦你無事就好啦 依家個個電話都打唔通 得你先打通」

「咁神奇？咁你依家係邊啊？」

「我滯留咗係汀九橋呀」

「即係你已經過咗海？」

「冇錯呀 有咩問題？」

「我聽新聞話個幾條過海隧道包括地鐵綫條都受到破壞嗰 咁我陣間點樣返去呀」

「搭船返去囉」

「最弊係碼頭比水浸左 連船都鏟埋上岸呢」

「搭直升機囉！」

「呢個時候仲同我搞笑？」

「OKOK sorry 咁無辦法架嗰 你係游水返去囉」

「我都唔識游水」

「咁我真係幫唔到你啦 所有嘢都浸咗入海水度...」

「咁我咪被困係香港島？」

「算係啦 喂 唔同你講住啦 前面通翻車 我要上返巴士啦 拜」

「喂？喂？」

\*收線\*

「咁我點算呀」

「依家氣溫 20度 相對濕度百分之82 海嘯警告及強烈季候風訊號現正生效  
由香港電台報道依節新聞。」

## Ep.6

「凌晨三點 依家由黃維為你報道一節新聞 呂宋海峽發生9.8級強烈地震  
引發既首波海嘯已經抵達華南沿岸 本港多區出現嚴重水浸 本港多條海底隧道亦受到嚴重破壞  
來往港島交通中斷 鐵路服務亦受影響 另外有消息傳出 指嶺澳核電廠2號機組受到損毀  
而政府稱尚未接獲相關消息 呼籲市民勿信謠言」

「上車啦！仲影乜鬼野呀！」巴士司機大叫  
「得啦 你等我影埋張自拍先啦 Hi Hi唔夠光！」  
「Hi 你你再唔上我開車架啦！」  
「得啦 你頂唔順你咪開車先囉 小心我第時告你呀！」  
「呀Hi 你呀 你以為我驚向左走向右走左你呀！」司機講  
「開車啦！唔向左走向右走洗理呢個八婆架！」其他乘客開始起哄  
「Hi Auntie你頭先講邊個係八婆啊！」佢老公突然間衝入來  
「係我呀 你條氣唔順呀 打Seven我啊！」  
「你以為我真係唔敢架啫」  
「好啦咪向左走向右走嚟！」  
要打出去打！咪向左走向右走阻住我開車！！」司機嘅聲線大聲到成條橋都聽到  
「你夠膽你就開車！小心我打到你」  
佢都未講完 個司機已經拉盡油門  
同佢理論個個人企唔穩 一野跌咗出去門口度  
「你要搭巴士就等下架啦！」  
「做得好！啲咁嘅人唔應該搭巴士」其他乘客講  
而搭唔到車果兩公婆 繼續係後面謾罵個司機  
而車箱裏面嘅乘客依然討論緊頭先件事  
「啊你話嗰個男嘅會唔會搵我哋算帳呢？」  
「你諗咁多做乜野姐」

過左一陣間 車廂又回復平靜  
我返去上層果度坐 繼續聽我首歌  
聽聽下唔覺意馴着咗

「下一站係 新時代廣場 The Next Stop is YOHO Town...」  
我聽到之後醒咗 但係我望一望出面  
「吓到站架喇？」  
外面嘅公路全部浸滿水 而我係天橋上面 唔上唔落...  
「要落車喺度落 架車冇得再駛前去」司機講  
「咁落咗車之後點算啊？」  
「點知你地呀 總之我呢架車要揸返廠」  
個司機係博愛醫院放低左我哋之後 不顧而去

我住喺屏山 每日出市區都係靠輕鐵  
雖然速度係慢咗啲 但係好過搭貴價巴士出市區  
所以老婆成日都係我提議 「不如用單車啦 又健康又平」  
但係其實我隻腳有關節炎 唔做得呢啲運動  
所以我一直都反對

依家 我見到嘅就只有輕鐵既電線桿  
水深至少有兩層樓高 有啲行人同行車天橋都變咗做孤島  
元朗大馬路直頭變咗做水上威尼斯  
兩邊嘅樓宇中間 變咗做運河  
一個個皮箱浮喺水面 貌似大部份都係嚟自藥房同埋超市  
而且眼見有好多舊樓都被海嘯仲破左  
我就開始擔心

我所住嘅樓都已經有40年樓齡  
棟樓都有七八層高 而且都好耐冇維修過  
上一次搭晒棚架 但係原來只不過幫層樓外皮翻身  
根本無實際做過啲乜  
我好驚我嗰兩母子會出事  
我再打多次電話比佢

「喂? 你地有冇」  
「對唔住 電話暫時未能接通 請係 \* 咁 \* 一聲之後留低口信」  
「hi! 又打唔通!」我個刻真係好想擲走部電話 好彩我制止左自己咁做

「先生 你冷靜啲啦」突然間有位護士同我講  
「或者你係臨時庇護中心搵到佢咁呢」  
「咁臨時庇護中心喺邊度架?」我好激動咁問佢  
「你冷靜啲先 而家臨時庇護中心多數係學校同埋醫院 我哋醫院都有一個」  
佢講都未講完 我就立即衝出去搵

「喂先生你去邊啊 後面先係庇護中心呀!」

## Ep.7

「早上六點 依家由黃維為你報道一節新聞 昨夜凌晨受到海嘯影響 多區出現嚴重水浸 並有多棟樓宇倒塌 造成多人死傷 正在訪京嘅特首梁圳英表示 對香港發生破壞性嘅災難感到難過 並對受災居民致以深切慰問 表示會盡全力搜救生還者 梁圳英係記者會後未有表明隨後嘅訪京行程」

「乜向左走向右走嘢咁光嘅？」我比出面光整醒咗  
「原來係日出 唔怪之得咁光啦」  
尋晚我係張辦公枱度唔覺意瞓着咗 搞到我依家條腰有啲痛  
不過話時話 我都好耐無咁樣睇過日出  
雖然唔係對正個太陽 但係我都覺得幾靚

「佢仲未覆我WhatsApp既 應該唔會出咗事呱」  
我嘗試再打電話俾佢 但係結果都係一樣  
「電話暫時未能接通」  
睇嚟真係除咗承哥之外 冇人個電話打得通  
成件事真係好奇怪 點解我可以打到比承哥但係其他人又唔得？  
我真係睇唔透

我見到外面依然充滿積水 一心想落去睇吓  
行到去電梯大堂 我先醒起  
「我Hi呀 唔記得已經停咗電」  
我行入去防火門 望住好似深不見底嘅樓梯  
深思緊下一步應該點做  
「呀有啦 依棟大廈好似有後備電源」

「但係我唔知係邊呢...」  
「唔係又要逐層逐層搵呀」  
然後 我諗起承哥可能知道  
我即刻打電話俾佢

「喂你搵我有事呀？我仲瞓緊覺啊大佬...」佢用佢把好低沉嘅聲講  
「你幾眼瞓都好都要幫我架啦」  
「咩事咁嚴重呀」  
「你喺度做咗咁多年 你應該知道邊度有後備電源架？」  
「知係知道 但係我驚你用咗會俾人鬧嗰」  
「依啲咁嘅關頭 畀人鬧我都照用架啦 總之話俾我聽係邊度」

「以前呢幢大廈有幾層本來係用來放伺服器既 所以設計左60樓有個大容量嘅後備電源」  
「就係為咗大停電嘅時候 依啲伺服器都可以繼續運作」  
「但係後來 放伺服器嗰間公司搵到個更加好嘅地方 所以最後無喺呢度放」  
「但係個圖則冇改到 所以成幢大廈就剩係得60樓先有後備電源」

「得啦得啦 問你個後備喺邊姐 唔使講埋個background出嚟嘅」  
「sorry 突然間有興致想講 順便講埋 個後備係電表房 拜 我要瞓覺」

「喂 但係個電表房」  
\*收線\*

「但係個電表房要有密碼先入到去架啲.....」

## Ep.8

「早上七點 依家由黃維為你報道一節新聞 昨夜凌晨受到海嘯影響 來往香港島交通中斷 導致大批民眾滯留咗係巴士及地鐵站 部份人情緒激動 位於赤鱸角嘅機場北跑道亦受到嚴重損毀 目前航班升降主要靠南跑道 另外香港環境伽馬輻射水平超出正常水平 而政府表示 此數據出現技術性錯誤 呼籲市民毋須擔心」

「我頂啊 唔記得已經停咗電 仲等我喺度全神貫注咁破解個密碼」我用力踢開度門 我前個半個鐘 瘋狂咁樣係度搵破解嘅方法 差唔多查搵晒全層 完全冇提示 搵晒所有解密嘅方法 完全冇頭緒 最終 我用咗暴力解決呢個問題

「後備電源... 頂你啲咩文來架！」望住成排既電制 仲要成堆日文 諗緊點樣解決

「我冇學過日文架喎... 唯有睇吓Google識唔識啦...」

「沒有網絡服務?! Hi今次Hi Hi啦」

我本來想問下啲Friend嘅

但係諗返起電話又打唔通 WhatsApp又冇得用

部電話基本上淪為廢物 剩係得一個電話打通

「唉冇辦法... 我都係要嘈醒你架啦」

「依度係承哥嘅留言信箱 有啲乜嘢事搵我啲咁一聲之後留低口信」

「呀Hi 你 熄埋部機咁絕？」

「咁唯有自己頂硬上」

我望住電表房嘅所有物件 掃來掃去終於搵到有樣有用嘅嘢

係一本疑似說明書嘅嘢

「啊 終於有返啲中文！」

講嘢主要係講述呢個電表房所有制係用嚟做乜

我掃來掃去 終於見到有個疑似後備電源嘅嘢

「要開啟後備電源 請到雜物室」

「Hi! 搞咁多嘢都頭來原來唔係呢度！」我髒到即場擲本野落地

之後 我都係死死氣咁周圍搵雜物室

因為雜物室冇係門口標籤住 所以都好難搵

個個門口都好似一樣咁

「依間? 唔係」

「依間? 又唔係」

「係呢間啦掛? 都唔係」

「呢間Hi原來男廁」

如是者 我搵左幾廿間

冇一間係雜物房...

當我懷着放棄嘅精神返返去電表房嗰度

我發現電表房入邊 有道類似門咁嘅物體

我一拉開 「亞太區有一天成為亞太區你個街 兜左成個圈原來係呢度！」

我簡直就好像被人玩弄左咁

入到去 我見到一個類似密碼鎖嘅嘢

「唔係又要打密碼啊」

我睇返本說明書「請係鍵盤上輸入閣下樓層 便即開啟該樓層後備電源」

「如要開啟電梯 輸入「#〔電梯編號〕」

「原來咁簡單架 仲搞到我成個鐘添...」

因為我驚電梯落到2樓以下嘅地方 佢會壞同埋浸死我

所以我選擇去5樓 5樓有露台 可以睇到出面嘅情況

基本上 依家要睇市區活動嘅方法 就係靠『船』

唔係正式嘅船 而係擺啲大型飄浮物品移動

所有地面鋪都淹沒左係水底之下 相信啲店鋪嘅損失都嚴重...

其實除咗水浸之外 市區冇乜太大改變

啲人照常活動 有啲人係度影相

亦都有啲人喺度善後

呢個時候 我電話又響啦

## Ep.9

「中午十二點 依家由張浩軒為你報道一節新聞 昨夜凌晨受到海嘯影響 本港多區曾出現嚴重水浸 目前維港及大埔一帶水位已逐漸減退 但新界西北水浸情況持續 導致大量新界西北區居民擁入屯門及其他未被海嘯影響地區 醫管局接獲首宗感染霍亂病例 並呼籲市民切勿胡亂飲用水源」

「喂你撞到我呀！」我大聲叫  
「依家走難呀仲講呢啲野！」  
我望住成堆嘅人群 一路從衝屯門嘅方向  
佢哋差唔多用盡方法 係都要擁入屯門  
我一路望住嗰班人群 睇下見唔見到我個兩母子  
「先生 你企係呢度危險啲」  
「我喺度搵人啊」  
「咁你有冇試過問醫院睇吓有冇？」  
「全部問過曬啦 連庇護所都問埋 都係冇...」  
「咁 你有冇報去失蹤人口啊？」  
「有啊 但係佢話啲case多到做唔晒 要排期」  
「咁都得 咁先生我唔阻你啦」  
「唔」

如是者 我喺度望左成幾個鐘  
都係冇結果...  
「會唔會已經去咗第二度？」  
「會唔會佢仲喺嗰度？」  
「會唔會已經死咗」  
我係心裏面泛起左無限嘅可能性  
雖然我決定咗 要去返現場睇下  
但係係而家 我可以做嘅就係等

「先生 個天都已經齊黑啦... 你仲喺度搵緊啊？」  
「我唔想放過任何一個機會」  
「但係你已經好耐冇食過野啦啲」  
「我有事 我」

個天 突然間黑晒  
連聽覺都被蒙蔽埋  
我身體開始墜落  
感覺就好似跳水咁 跌落地果下  
我暈低左 冇晒知覺  
「我仲要搵我老婆同華仔...」我用我最後嘅力氣講左呢句  
之後我就失去意識

到我醒返嘅時候 已經係完全另一個世界  
香港 再唔係我熟悉嗰個



# Ep.10

「晚上九點 依家由張浩軒為你報道一節新聞 港府剛剛接獲消息  
稱嶺澳核電廠2號機組因海嘯關係受到嚴重損毀 並已於今晨開始洩漏核輻射 當時香港吹東北風  
估計輻射塵已經抵達本港 本港政府正式宣佈 香港進入緊急狀態 並於稍後會召開記者會  
詳細說明日後安排 另外 赤柱監獄係下午四點突然失去聯絡 暫時未知情況」

「Hi！下晝打俾佢打到而家都仲未聽嘅！手機無電啊？」  
我瘋狂咁打俾承哥 但係每次都係留言信箱  
「我有好多野要問佢啊」  
依家我淨係知道依層嘅食物嘅邊度 但係遲早唔夠食  
我淨係入行左一兩年 唔係太熟悉公司環境  
所以而家就淨係唯有食住啲乾糧

雖然下面嘅水已經退咗 但係下面依然一片凌亂  
如果唔係海嘯嘅話 我仲以為發生過暴動

「咩話？香港有輻射？咪玩我啦！」  
「唔係呀！係真架！政府都係咁講嘅！」  
「咁佢朝頭早又話出錯又話假消息？」  
街上面嘅人不停嘅度議論...  
「咩輻射啊？」我問  
「仲問？你無聽收音機架？」  
「個核電廠爆左呀好似！」  
「唔向左走向右走係呀 個浪來之前佢又話可以抵擋十米高嘅？」  
「至弊係呢個浪成十幾二十米高呢」  
「咁佢一開頭又唔講？又係度玩語言藝術？」  
「得一個理由嘅啫 佢唔想你知道囉」  
「無理由嘅 中國又點會咁狠心呢？」嗰啲阿伯開始聞  
「你以為中國好好啊 佢哋全部都係為利益着想架咋！」  
「你都傻的嗎嘅 中國又點會拋棄香港呢？」  
見住個場愈演愈烈 我都係行開回避一下

我行過去銅鑼灣—海嘯冇淹沒到嘅地方  
我見到一切都好正常 唯獨是冇車  
差唔多成條路都變成行人專用區  
不過呢個時候 都冇乜人介意嘅啦  
我行過去七仔 令我驚訝嘅係  
水同埋杯面都俾人一掃而空  
「先生 你要啲乜嘢？」  
我冇應佢 之後行過去我啲野飲同零食  
「我要呢啲」  
「總共\$48，比現金定係八達通？」  
「八達通。」  
「要唔要膠袋」  
「呀你真係唔驚嗰... 出面海嘯你都可以做到咩都冇發生過咁」

佢呆左一呆 之後應左一句我覺得毛骨悚然既說話

「橫掂都死架囉 點解唔好好做落去呢？」

「OKOK 兄台你講得啱你講得啱」我講完之後即刻沖咗出去

「留意餘額呀」

# Ep.11

海嘯警告·現正生效。 vol.11

「上午十點 依家由黃維為你報道一節新聞 昨日下午赤柱監獄發生大型逃獄事件  
港島區正增派人手支援 雙方係淺水灣道及大潭道一帶爆發槍戰 暫時未知幾多人傷亡 同時  
目前正在訪京嘅特首梁圳英原定今日返港 但表示行程有變 暫時未知何時返港  
佢係酒店大堂嗰度並無回應記者提問」

「嘩Hi 做乜個天咁向左走向右走熱架 仲有咁重煙霞」我望住個天講  
尋晚我由九點瞓到而家 直頭熱到瞓唔着  
果晚我要對住個吹風口瞓先瞓得着  
而家 仲要加埋個太陽  
「直頭唔想出去... 真係熱到一個點」  
我擺住盒檸檬茶 係56樓對住個窗外講

其實出面運作都叫正常 水位已經退晒  
有好多商場 大廈都用緊佢自己嘅後備電源  
而且原本混亂嘅街道 全部俾人清理晒  
一切就好似冇發生過 咁

「唉 但係坐係度都唔係辦法」  
最終 我都係決定落去睇吓  
「嘩Hi... 點解可以同平時冇分別...」  
條街就好似冇發生過咁樣 仲要有車行添  
講到呢度 我突然間醒起我架車  
我即刻跑去個停車場度  
「呀好彩冇林到」  
我行返上5樓 仲見到我架愛車係度  
雖然只係一個普通嘅私家車 但係我都鬆一口氣  
「好彩慳返十幾萬」  
反觀嘅啲淨係拍係路口嘅車 佢哋就冇咁好彩啊  
雖然我好想揸架車 但係為咗安全起見  
我都係決定留返架車係度  
「拜拜 有緣再見」  
我見時間仲係咁早 諗住周圍行吓  
睇下有乜嘢開心大發現  
點知有我一落路口 就見返我中學同學—啊Sam  
佢係個高材生 好鬼鍾意電子野  
但唯一同佢搵埋嘅 就係遊戲  
果陣時線上遊戲啱啱興起 所以成日都會一齊玩  
仲要信任到換過帳 完全唔怕對方會偷

「撞鬼囉 一路路口就見到個熟人」  
「依家見到我好驚咩？」  
「咁又唔係 老土講一句 咁耐冇見變咗好多啲」

「你都係姐 又話第時做飛機師 而家睇見衫都知你做緊文員啦」  
「你好得我好多咩 你而家做緊啲咩啊」  
「專業電子技術員」  
「有幾高人工呀？」  
「每個月有幾萬啦 咁你呢？」  
「得一萬三千咋 邊似得你咁高姐」  
「扯 你當時唔追Any咪做到飛機師囉... 話時話 你哋結婚未啊？」  
「連層樓都未買到啊 仲好講結婚」  
「Sorry sorry串得濟 雖然我都未結婚」  
「你仲未搵到？」  
「唔係呀 我根本就唔想結」  
「咁樣好冇人生意義架喎 但係你唔想嘅話都冇理由逼你嘅」  
「唔好講呢啲啦 橫掂都係喇 入唔入到來我屋企坐下」  
「都好 反正我依家都冇嘢做」

我入到佢屋企 我直頭呆左

「點解你屋企可以咁架大嫁 成八百幾九百尺」  
「大佬呀 呢度儲咗好多錢架 個陣你仲係到溝緊女啊」  
「嘩你屋企咁多電子野嘅 咦依舊咩嚟㗎？」我摸住舊類似舊式收音機嘅物體  
「喂唔好亂咁點佢呀！已經停咗產架啦！」聽到佢咁講 我即刻放開隻手  
「呢個係好專業嘅收音機來架 比警察知道我有呢舊嘢會比俾人拉架」  
「吓點解呀 咪又係收音機」  
「呢個收音機可以聽到唔同頻率嘅訊號 正係因為咁俾人視盜聽工具」  
「咁你買返嚟就係為咗偷聽人哋講嘢？」  
「緊係唔係喇 因為呢部機嘅接收能力好強 所以我用多數用來聽數字電台」

「咩嘢係數字電台呀？」  
「數字電台通常有人講一啲數字或者字母 夾雜着一啲音樂或者噪音」  
「雖然我認為呢啲電台係用嚟傳送間諜訊息 但係冇國家承認」  
「你有冇聽過UVB-76？」  
「咩嚟架 唔好亂up當秘笈喎...」  
「我絕對唔係亂up」  
「UVB-76係個俄羅斯嘅數字電台 日夜不停好似蜂鳴器咁樣發出嘩嘩聲」  
「有陣時會有人聲講一堆數字或者字母出嚟 用意不明」  
「被廣泛認為係用來傳播間諜訊息 但係又係無人承認...」  
「咁你依家播比我聽下」  
「聽鬼到咩 人哋停咗啦」

「不過我啱啱發現有大單野」  
「又咩事啊？」  
「我發現自從香港海嘯之後 AM 2734kHz依個位開始有活動」  
「即係點呀？」  
「我暫且叫我去做2734先—」

「係海嘯之後 我發現多咗個數字電台—2734」  
「佢唔定期咁樣發出一啲摩斯密碼」  
「雖然第一次我有錄低度但係第二次我有 而且我將佢解密」

「呢個係係尋日凌晨三點幾發出嘅」

「LING AO POWER PLANT II2 HAD BEEN EXPLODED」

「最弔詭既係 佢第二日先至宣佈呢單消息」

# Ep.12

海嘯警告·現正生效。vol.12

「中午十二點 依家由黃維為你報道一節新聞 赤柱監獄逃獄事件尚未平息 事件至今造成28個警員受傷 其中三個傷勢危殆 另外 香港出現移民潮 係過去呢兩日共有13,000人申請移民 入境處表示 唔排除會有更多人申請移民」

「咁佢發出左幾多次訊息呀？」  
「暫時得三個 我部電腦我可以錄低唔正常嘅音頻」  
「話時話 點解你屋企有電嘅？」  
「我不嬲有買大型儲電箱 為咗興趣 點知依家大派用場」  
「你收藏啲咁嘢咁變態嘅」  
「咁我係鍾意電子野架嘛」  
「咁又係嘅 好過而家無電用」

『你肚唔肚餓啊 使唔使我煮碗麵俾你食啊？』  
「唔使啦多謝」  
「其實話說你呢度除咗電子野之外 係咪無其他嘢架？」  
「係呀 差唔多當電子係我女朋友架啦」  
「而且有女朋友嘅話 佢哋一定又話『唔好擺晒啲冇用嘅野屋企啦』」  
「咁唔怪之得你冇女朋友啦」  
「喂咁係呀嘛 結咗婚之後我就覺得無晒自由架啦」  
「你問題姐 我嗰個不知對我幾好」  
「你真係一個好容易滿足嘅人」

突然間 佢屋企嗰個特別收音機響起左

「嘩Hi Hi嚇向左走向右走死我」我直頭驚到彈起身  
「2734又響啦」  
「你個『又』係咩意思 你唔係話佢淨係發生左三次咩？」  
「咁我成日聽數字電台架嘛 你成日喺度捉我字虱嘅」  
「sorry慣咗 其實佢咁樣嘟嘟嘍究竟係度講乜」  
「暫時未知 等佢啲完再解碼先知...」  
「喂 咁我出去行街先啦 留個電話俾我方便聯絡」  
「ok 咁你記低佢囉」  
「冇見佢咁多年 都係咁長氣」我一路落樓梯一路講  
落到樓梯 我見到有堆人圍住喺度傾緊一啲嘢  
我仔細一睇 原來又係上次果班人  
「喂聽講有移民潮啫」  
「有都唔關我哋事啦 我哋都走唔到」  
「你游水過對面咪走到囉」  
「唔係啫 我聽講有人游水過去對面 之後俾人殺死左啫」  
「唔向左走向右走係啊 無啦啦做乜殺我哋呀」  
「可能驚我哋有輻射掛」  
「驚乜鬼啫 佢哋都有架啫」  
「我真係唔知道 政府又冇派人就我地 都唔知點算好」

「乜香港到依家真係有咁差咩」  
「我知道點解 赤柱監獄又爆 又好似有霍亂 搞到有啲人話到我哋好危險」  
「咁又點啫 我都冇做過果啲野」  
「問題係出面啲人唔會知道架嘛」  
「咁我哋咪永世唔使旨意離開香港島？」  
「正確來講 係」  
「Hi咪向左走向右走喺度說三道四啦 中國又點放棄我哋呢！」突然間有啲阿伯亂入  
「係你地唔接受現實啫 唔係我地問題」  
「你啲後生仔 知唔知中央政府為我哋仲有幾多野啊 我食鹽多過你食米啊」  
「中央政府就係做咗好多避開我哋嘅野囉 然之後仲有啲人喺度信拜佢添」  
「你哋比外國洗咗腦啦 都唔知你後生仔點諗野 你個腦裝屎架！」  
「你哋哩啲已經冇得救啦 仲要講埋啲冇病嘅拉落水 調返轉頭話我地有病」

突然 我部電話響起左

「喂 做乜打來啊？」我行埋一邊講  
「Hi Hi啦 有大獲野！」  
「入正題啦Hi 你！」  
「好好好 我啱啱decrypt咗頭先嗰段火星文 你知唔知我發現左啲乜」  
「我點捻知啫！快啲講啦！」  
「okok 我翻譯咗出嚟係咁：」  
「ISOLATE HONG KONG ISLAND」

「即係點呀 講中文啦！」

「隔離香港島」

## Ep.13

「下午兩點 依家由黃維為你報道一節新聞 早前發生事故嘅嶺澳核電廠中午時份再次發生爆炸 1號機組完全炸毀 完全暴露核反應堆 2號機組亦受到波及 中國啟動危機應變小組 全力應付今次事件 中國解放軍宣布加入香港救援 並將會調派大量人手及儀器 全力協助香港渡過難關」

「乜嘢話 隔離香港島？」

「係呀！我翻譯嚟得出的結果真係咁」

「我Hi你 你唔好9up當秘笈啎！」

「認真 我呢你做乜姐」

「OKOK 咁而家點算啊 佢地話隔離我哋啎？」

「唯有離開香港島 因為呢度都已經好唔安全」

「有幾啊 我都唔覺」

「喂大佬 依家出面又有輻射 又有逃犯 又有病毒 點會安全呀」

「乜真係有咁唔安全咩」

「正係因為唔安全先至隔離我哋咋嘛！」

「係嘅係嘅 咁你而家使唔使公諸於世呀？」

「梗係要啦 全部人都有知情權 講比佢聽等於間接殺死左佢哋」

「唔係呀 講左比佢哋聽我哋好大穫架啎！」

「有幾嚴重啊」

「你講左比佢哋聽咁咪會造成恐慌囉 而且萬一比外邊啲人知道嘅話 我哋有機會俾人追殺」

「咁點都比唔上一啲無辜嘅人冇啦啦俾人隔離 仲要有機會俾人殺死呀」

「你唔驚俾人殺死嘅話 你咪行出去同佢哋講囉！」

「呢個世界冇話夠唔夠膽 係你敢唔敢做姐 總之我一定要同人講架啦！」

「OK你夠膽咪」

\* 收線 \*

「呀Hi你cut我線？」

「...唉 佢死佢事」

我嘗試冷靜咁行出依個街口

「無事嘅無事嘅」我又係度自言自語

當我想行返我棟大廈果時

見到街道有個細路企喺度 好似喺度發呆

我見我上到去都係冇野做 就行過去問佢

「細路仔 你企係度做乜啊？係咪唔見咗媽咪呢？」

佢呆左一陣 好似喺度Progressing緊我講乜

「哥哥 我不懂说广东话的」佢用普通話講

今次Hi Hi啦 我聽唔明普通話

不過好彩 齋靠譯音我都大概知佢講乜

但係我用唔識講普通話啎

「是咁的 我說你媽媽是唔是不見了？」我嘗試用書面語同佢溝通

「是呀 但是妈妈说我不可以跟陌生人搭话」

我又Progressing咗一陣 之後答佢

「咁樣 不如哥哥帶你去警局先啦」我用唔鹹唔淡嘅普通話來同佢溝通

今次佢冇認到我 佢就淨係點頭

如是者 我哋就去到灣仔警署

「喂有冇人呀？」我入到門口問

冇人應我 好似個差館冇人...

「我係來報案架！」

依然都係冇人應我

「小朋友 你等我一陣先」我暫時放低左個細路

我係個警署兜左幾個圈 鬼影都見唔到一隻

「冇理由個嗰 真係全部都冇人 仲熄晒燈添」

「哥哥 我要走了 我要逃离这个鬼地方！」個細佬突然間講

「喂 咪走啊 出面好危險架！」我大叫

我係咁叫佢返嚟；

但係佢依然好似聽唔明我講乜咁 狗沖咗出去

「Hi Hi呀 究竟發生咩事呀」

## Ep.14

「下午七點 依家由張浩軒為你報道一節新聞 正在訪京嘅特首梁圳英尚未返港 政府發言人發表聲明稱梁圳英因身體不適而暫時無法返港 部份市民認為梁圳英係因為唔想接觸輻射而唔返回本港 赤柱監獄逃獄事件尚未平息 而且目前無法聯絡位於香港島嘅警察 未知情況如何」

「我頂 行到返去都要七點架啦」  
我由灣仔行返返去我果棟大廈 直頭筋疲力盡  
「Hi 唔記得咗我已經食晒啲杯面」  
我又要重新出發 去問七仔買  
就係我去嘅路途中 我又見返我之前係路口見到啲人...  
而我又忍唔住行人去偷聽下

「喂 政府都唔理我地啦 我哋仲洗鬼規矩」  
「咁不如我哋自己建立一個政府好過啦」  
「都好呀 玩小圈子啦 邊個傳政府唔理我地」  
睇嚟佢哋已經知道香港島比人隔離  
我再行多幾個街口 又係講差唔多咁嘅嘢

「唔可能嘅 政府又點會唔救我哋呢」今次又輪到啲阿叔  
「咪係囉 對面嗰班有仔都唔知係咪染勁左 喺度係咁講香港島隔離」  
「我同意 我哋唔可以俾佢地妖言惑眾」  
「不如我哋組織一下 搞到佢哋唔好妖言惑眾啦」  
「你講得啱 我哋唔可以比佢哋繼續去洗腦其他人！」

聽來聽去 都係分化左兩種人  
搞到好似香港島進入左無政府狀態  
成個社會都被撕裂晒  
當然 我就淨係旁聽 無講過野啦  
費事得罪另一邊嘅人 到時就有排煩  
聽聽下 又行到嗰間得佢做嘢嘅七仔  
「啲貨冇晒嘅？」我問個職員  
「俾人偷晒啦 你遲咗咪冇囉」  
「咁你仲唔報警？」  
「報咗都冇人聽 係咪買嘢架？」  
「都冇嘢賣 等陣先 冇嘢賣咁你仲企係度？」  
「橫掂都死個囉 點解唔」  
「得得得 你就繼續企喺度啦」我講完即刻行出去  
「多謝幫襯 下次再見」  
「冇下次架啦！！」

「Hi咁唯有食威化餅當晚餐啦」  
我又要行返去 我真係劬到好想截的士  
但係呢個時候 最快嘅交通工具係單車  
但係我冇 我唯有死死氣咁行番去...  
越係喺度行 我就越想聽一首歌

『爆裂 散落 折翼墮下  
正跌向對面大廈 就撞爛大廈  
而樓下有群男共女  
以摺凳菜刀打架 聽不見他  
幾秒後滿地是血花  
而模糊的受害人 一早猜想到嗎  
誰人才終極殺害了他』

「目前災區正在醞釀一種新病毒 目前未有方法能夠根治 生物學家警告  
一旦該病菌進化到可以感染人體 該病菌將會大規模爆發 可能引致大部份人死亡」

「國際原子能總署將本次嶺澳核電廠既核事故等級評定為第七級 即特大事故 中方批評今次嘅做法  
認為並無此嚴重」

『有病 有毒 市面混濁  
氧氣裡正在孕育 極厲害病毒  
全城就快齊齊病發  
個個照逛街睇戲 不知退縮  
於市內某巷夜店中  
誰人從粉末藥囊 針筒之中找到  
如遊魂魔域那份滿足』

終於 我行返棟大廈度...

「開冷氣先熱到死呀」  
我攤出我之前買返嚟嘅威化餅 而且準備埋檸檬茶  
正當我想食嘅時候 突然間有人打電話來

「Hi Hi邊向左走向右走個阻住我食野！」  
「喂 搵邊位呀」  
「阿Sam啊 你黐我都照講架啦」  
「又講乜嘢啊 我食緊野啊」  
「你食緊野你都聽我講 呢單野真係好重要」  
「重要得過我食嘢？」  
「係 今日下晝又有收一條信息 依條信息真係好重要」  
「唔好再兜圈啦 講重點啦唔該你」  
「依條信息係咁講嘅」

「CLEAN THE ISLAND」

「都叫咗你講中文囉！」  
「我諗佢既意思係咁嘅」

「佢想殺曬所有係香港島嘅人」

# Ep.15

海嘯警告·現正生效。 vol.15

「上午九點 依家由黃維為你報道一節新聞 解放軍正前往香港島展開救援 並希望能夠幫助香港度過難關 特首梁圳英表示 香港正在渡過一個艱難時期 大家應該同舟共濟、懷着不屈不撓嘅獅子山精神渡過逆境 而且佢重申 自己無法返港並非因為香港發生天災人禍 而係因為個人健康出現問題所以暫時滯留喺北京 亦表示希望能夠盡快返港 香港入境處收到共150萬人申請移民至其他地方 其中以美國同埋加拿大最多」

「Hi Hi呢個邊度嚟架？」

我由我病床都爬起身 望咗一望出面嘅景

「...呢度邊度黎架」我完全分唔出出面究竟係邊度

「这里是屯门」

突然間 我隔離出現咗一個着住軍裝嘅人

「这次辛苦你了 同志」

同志？我唔係紅衛兵啲

但係聽到佢重重嘅大陸口音 都知道佢係內地人

但係內地人又點會落到黎屯門呢

「謝謝」我應佢

「听说你在工作期间晕倒了 然后有位姑娘运你到这边来」

「是的」

因為我都曾經同內地人打交道 所以我都識得啲普通話

「那你休息一下 有事再来找我」

「好的」

睇嚟佢應該當左我做佢哋嘅一份子

睇嚟係我暈低咗嘅期間 都發生左好多野

「係啲 打吓個電話俾佢先」

「喂搵邊個？」

「係我呀 承哥呀」

「我之前睇緊打俾你都唔聽啊？」

「因為我之前暈低咗 聽唔到你電話」

「原來係咁 我仲要為你有咩事添」

「喂話時話 究竟係我暈低左嘅期間發生咗啲乜嘢事？」

「一言兩語好難同你解釋個啲」

「我淨係要懶人包嘅啫」

「哎咁我一次過講晒啲重點出嚟啦」

佢講完一堆野之後 我都仲係一舊雲

「下即係點呀」

「咁你而家點呀？」

「我而家比班好似解放軍嘅人當中做佢哋嘅一份子」

「咁你咪可以有內幕話俾我聽？」

「喂大佬 我啱啱先醒咋 我連行都未行出去」

「喂我又有電話入啦 你有事再打過嚟啦」

「喂邊個呀？」

\* 收線 \*

「頂你 我都未講完」

「唉 都係出去行下 呼吸下D新鮮空氣」

我由床到起咗身 行出房門

正當我諗住行出門口嗰陣時 個解放軍同我講

「要出去的话请先穿上这个」去手上攞住厚厚嘅保護衣

「為什麼？」

「那还用问 外面的辐射强得很 不穿上这个的话会很严重的」

「好的好的」

「这就是为什么我们要杀光这边的人」

「殺光這邊的人？」

「对呀 不然我们在这边干嘛」

「好的 那我出去了」

「那你自己小心了 特别是那些人」

「嗯」

## Ep.16

「上午十一點 依家由黃維為你報道一節新聞  
香港嘅環境伽馬輻射水平比世界衛生組織輻射安全水平嚴重超標20倍 主要因為香港正吹東北風  
並且嶺澳核電廠繼續洩漏核輻射 中國政府計劃使用『石棺材』來遮掩正在洩漏既核輻射  
目前尚未有定案」

「喂做乜無啦啦又打來啊」  
「喂佢哋煞到來啦！」  
「我知 嗰啲解放軍呀嘛」  
「唔係呀 另外一班人啊！」  
「乜仲有其他人架咩？」  
「逃獄嗰班呀 佢哋帶齊軍器咁過來」  
「Hi Hi啦咁點算呀 果班人仲惡過解放軍架啲」  
「總之搵地方匿埋先啦！」  
「邊度先安全啊」  
「繼續留系你棟大廈度先 我一陣過嚟搵你」  
「你仲過嚟？ 好危險啲」  
「留嚟呢度重危險 唔講咁多走先啊」

\*收線\*

「怪知得嚟警署啲人唔見晒囉」

我望住癡係牆度嘅香港地圖  
以我嘅推測 佢哋應該由淺水灣一路行上來行到跑馬地  
仲可能坐車過嚟添 事關佢哋都偷咗啲警方設備  
「佢一係向左走一係向右走嘅啫」  
佢可能去咗中環同埋北角個面  
但係都可能由金鐘煞到來中環  
雖然最後佢哋有可能佔領晒成個香港島  
因為佢哋嘅軍火足以操控依個島  
「希望佢行右邊」  
我只能無能為力咁樣呆等佢來襲  
事關我都有野可以做  
依個時候電話又響  
「喂我去到你下邊啊 之後點行？」原來係阿Sam  
「你等陣」我由窗口望落樓下  
「你轉左再直行 之後你應該見到有個紅綠燈」  
「你等陣先 我仲搵緊條路」  
「咪行住 有嘢唔對路」  
「咩事？」  
「佢哋煞到來啦」  
「咁我點啊？」  
「依我咁講 快啲慳返來我呢度！」  
「我點知你係邊姐」  
「好似我之前咁講 轉左再直行」

「Hi Hi佢哋殺到嚟啦！」  
「Hi 你行錯方向啦！」  
「行錯方向好過俾佢整死！」  
「你前邊啊！」  
「(快啲殺向左走向右走左佢!)」我係背景隱約聽到  
「唔好向左走向右走理啦!跑啦!」  
「我依家跑緊啦睇唔到咩!」  
「Hi 你跑左去我後面點睇到你啊!」  
「都唔理啦 總之我而家要逃走!」  
「(Hi Hi你走唔甩架啦!)」  
「你跑最快㗎啦?」  
「最最快架啦!」  
「Hi Hi啦人哋揸車追你呀!你唔夠佢快架!」  
「唯有掉頭跑!」  
「千祈唔好入路口啊!」  
「唔得呀一定要入!」  
「喂唔好轉入去啊!」  
「亞太區有一天成為亞太區」

\*收線\*

「喂?喂?喂?」  
「Hi都叫佢唔好轉入去架啦」

「對唔住 依家電話暫時未能接通 你遲啲再打過嚟啦」  
「依家打都打唔通」  
跟住 出面傳出幾下爆炸聲  
一睇都知心知不妙

話時話 點解全面禁熱嘅  
啲煙霞仲要好厚  
完全見唔清班犯人嘅樣

「下午兩點，超強颱風尼伯特集結係馬尼拉西北偏北約510公里，預料向西北或西北偏西方向移動，時速約20公里，橫過呂宋海峽，進入南海北部。」

## Ep.17

「下午三點 依家由黃維為你報道一節新聞 位於嶺澳核電廠鄰近既大亞灣核電廠傳出核洩漏事故 中國表示會用盡一切方法防止事故再次發生 並將派發機械人前往核電廠 檢視損壞程度 目前該核電廠嘅輻射嚴重超標1500倍」

「咁奇怪嘅」

我係市面兜左幾圈 沿路上得好小人  
全部都係着晒保護衣帶埋防毒面具既解放軍  
連最熱鬧嘅屯門市廣場 都冇晒人

「無理由架 我暈低之前明明有好多人湧入去屯門架嘞」

「點解可以成個屯門都無人」

出面好鬼焗 仲要熱到死

我着住厚厚嘅保護衣 仲要帶住嗰個令我呼吸困難嘅面具，  
感覺上就快中暑

「算數啦 我都係搵個地方暫避」

我見到我鄰近有個公園 就行入去打算乘涼

「原來呢度係屯門公園」我望住個指示牌

「都有一段時間冇行過嚟」

我記得我上次來呢度 係講個仔啱啱識行嘅時候  
講起上嚟 都差唔多成五六年前嘅事

「你睇吓佢 行得幾快！」老婆講

「話唔定第時佢可以做跑手呢」

「緊係唔係 做醫生律師啲錢搵到錢架嘛」

「搵到錢有乜用姐 要佢開心先得咁呀」

「無錢又點會開心啊 計我話而家應該準備定架啦」

「搵錢無用架老婆 好似我依家咁搵到錢但係唔係我理想嘅工作」

「呢個社會仲講乜嘢理想呀 計我話有錢就有理想！」

「咁你有乜嘢大計啊？」

「等佢大個啲就要上定啲補習班 等佢遲啲上幼稚園同小學都易入啲」

「但係咁樣佢就無晒童年架嘞」

「你要佢而家有童年 定係想我哋第時安享晚年啊？」

「得得得 依家講乜都啱啦...」

我望住當日我同佢哋坐嘅涼亭

不斷諗返起之前發生過嘅嘢

「放心啦 我會來搵你地」

我行入去屯門西鐵站 順便入去嘆冷氣

但係著住咁厚嘅保護衣 基本上感覺唔到乜嘢

成個西鐵站仲有電 但係一個人都冇

就好似「那夜凌晨」

成條路軌都冇一架西鐵 就剩係得到站個架西鐵

不過令人驚訝嘅係 我個八達通居然仲work

「嗰度司機門仲係打開」

「不如用架西鐵由屯門揸去紅磡」我忽發奇想  
我行入去個駕駛艙 見住一大堆不明既按扭  
我坐低咗之後 是但禁左一粒製

「請勿靠近車門 請不要站近車門 Please stand back from the doors」

# Ep.18

「下午五點 依家由張浩軒為你報道一節新聞 為處呂宋海峽既多條海底電纜中斷 至今仍未能修復 來往東亞同埋歐美嘅互聯網中斷 導致大部份網站及伺服器供應商無法運作 估計損失達八千萬美金 專家估計 由於地震強烈 而且有餘震不斷發生 估計修復需要十年時間」

「Hi 打極比佢都唔聽嘅 唔係出咗事呀」  
我狂咁打俾阿Sam 都完全冇接到  
人哋係生死存亡嘅時候 我仲企係56樓個窗口位度  
我係度考慮緊究竟落唔落去好  
唔落去又好似好缺德咁  
但係落咗去我有咩都幫唔到手  
「人哋又有裝甲車 又有軍器 點鬥得過」  
「但係佢始終都係我朋友啊」  
「冇理由睇住佢死架喎」

「究竟落唔落去好呢」我行入去電梯  
我係嗰度糾纏咗好耐  
有好多次個lift門自己關咗 我要掙掙開返  
每次關門 都好似個電梯想同我講  
「你決定好未呀 我等左你好向左走向右走耐啊」

最後 我無悔咁掙咗地下個掙  
「為咗朋友 點都值得嘅」  
原來落到地下 又係另一番風景  
成個路面亂七八糟 就好似佢哋特登搞破壞  
路上事不事見到有血蹟  
越行得耐 我好似見到有啲屍體  
成個畫面好似打仗咁  
唔同嘅係 佢哋係攻擊一啲無反擊能力嘅人  
令我反思一樣野  
「究竟點解佢哋要周圍搞破壞呢？」  
要表示佢哋嘅不滿？  
要以牙還牙？  
定係要發洩佢哋嘅情緒？  
「但係冇理由啊 佢哋根本無必要咁做」

行行吓 我終於搵到阿Sam  
「喂你冇嘢咩」  
「冇嘢 好彩我走得甩」  
「但係你隻腳流晒血咁樣」  
「唔緊要啦 擦傷左姐」  
「唔係呀 我驚你失血過多啊」  
「但係你做乜無啦啦走落黎搵我？」  
「我驚你出事囉 電話又唔通」  
「乜咁gay呀 唔通你鍾意左我」 \* 並非想貶低同性戀人士

「唔向左走向右走係啦 你死咗邊個負責啊 咪我囉頂你」

「乜原來係咁啊」

「我驚你死果時仲話我見死不救啊」

「我似有咁陰濕咩」

「話說 你知唔知點解班逃犯無啦啦叫襲擊我哋呢啲市民？」

「呀你講起上嚟 我見到佢哋係架車到擺住個似對講機嘅嘢講嘢喎」

「如果係 你知唔知係邊個？」

「咁一定係想殺死我哋嘅人」

「咁有邊個想殺死我地呀？」

「解放軍！」我哋異口同聲咁樣講咗出來

## Ep.19

「下午七點 依家由張浩軒為你報道一節新聞 前往香港島救援嘅解放軍稱 根據佢哋係香港島嘅搜索 已經發現有大量市民死亡 大部份被海浪捲走 他們稱佢哋會繼續搜索生還者 並且稱如果發現有生還者嘅話會第一時間通知傳媒 目前新界西北傳出有新霍亂病毒 並導致多人死亡 目前未有藥物可以醫治 未知香港島情況如何」

「依一切真係解放軍叫佢哋做？」

「咁佢哋做乜冇啦啦周圍殺人同埋破壞呀？」

「咁你又講得咁嘅 不過我都係想用一個方法認證下」

「咩方法啊？」

「就係靠偷聽佢哋講野」佢袋裏便令緊啲嘢出嚟

「你用個收音機來偷聽？」

「呢個唔係普通嘅收音機 佢可以收到好多頻率 包括對講機同埋手機」

「即係又係你個啲電子野啦 你喺邊度買返黎架咁向左走向右走多嘅」

「有啲係淘寶買 有啲係亞馬遜度買 有一啲係eBay度買 你一啲係地下交易買返嚟」

「睇唔出你居然搵地下交易買 你為咗電子都去都癲吓啲」

「你當年溝女都去左好癲呀」

「都變咗歷史啦 唔好再提啦」

「又陪佢去迪士尼 又同佢坐摩天輪 連日本都同佢一齊去 最後咪又係要買層樓」

「冇辦法啦 都係為咗佢好姐」

「比人收兵並咁多年都唔知」佢細聲講

「你唔好以為我聽唔到啊」

「咁係事實呀嘛」

「無論我對佢定係佢對我都好 我哋都係真心嘅」

「你自己一廂情願啫」

「呀你仲講架啲」

「呀sorry sorry 最多咪咁講囉」

講講下 我哋行返到我個大廈樓下

「哇Hi好彩走得快」

我見住成條街都好似比炸彈炸過咁

地下唔係碎片就係屍體

「咁痴線嘅班人」

「睇嚟佢哋已經去咗上環破壞」

「何以見得？」

「我諗佢哋應該係跑馬地嗰度做分水嶺 一邊去咗天后另一邊去咗金鐘 即係我哋呢個方向」

「哦 即係佢哋係成個香港島掃曬」

「等我試下用你個收音機先」

「乜你冇用過架咩？」

「呢個咁新嘅嘢 我梗係未用過啦」

「咁你買嘅返嚟做乜」

「做後備囉 萬一部大機用唔到 都可以用呢部」

「原來係咁」

「呢個準成度唔係好高 所以冇大機咁清」

佢一路喺扭收音機 終於俾佢搵到

「冇錯係依度啦」

「你依家嗰邊情況點？」一個操大陸口音的人講嘢

「好順利 teamA1去緊四方街 teamC1喺皇后大道中 我哋一Team係摩利臣街」

「咁就啱啦 港西就搞掂 港東又搞成點？」

「TeamA2係東區走廊行緊過嚟 TeamB2係興發街 行緊去薄扶林道

我依一team係英皇道」又有另一個人講嘢

「OK 全世界係15分鐘之後再聯絡」

「睇來佢哋真係分開咗兩組」

「真係睇唔出佢哋咁有計劃」

## Ep.20

「晚上十點 依家由張浩軒為你報道一節新聞 前往香港島救援嘅解放軍稱 發現一名生還者 該名生還者係一名自由行旅客 解放軍表示 該生還者只受到輕傷 目前並無大礙 解放軍表示會繼續搜索香港島嘅生還者 並會全力協助」

「好彩佢哋冇走上來啫」

我哋上返去56樓 搵咗幾塊威化餅當晚餐來食

「睇呢啲咁嘅時勢 最好都係唔好落去」

「咁又係 都唔知佢哋唔會返嚟」

「講真 其實你有冇諗過搵埋其他人組team？」

「組team？你認為佢哋會合作咩？」

「同你組得team既就合作架啦」

「梗係唔係咁簡單啊 你有冇玩過walking dead？」

「梗係有 但係呢度唔同呀嘛」

「有乜向左走向右走嘢唔同遮 有啲人為咗利益會背叛你 有啲人認為你背叛佢」

「係你諗到咁黑暗啫」

「我問你 一個人如果搵到逃離香港島嘅方法 佢會話俾人聽 定係會自己走咗去？」

「咁佢應該」

「一定會自己走咗去啦 一個人走對面啲人都唔會發覺

一堆人走容乜易成隊人都俾人殺死？」佢未講完我就插嘴

「你咁看重利益既 咁你頭先做乜落嚟救我？」

「」我突然間靜咗

「呢啲咪team work囉 我亦都相信你如果搵到方法走嘅話 你一定會話比我知」

「」我無言以對

「如果呢個世界就剩係得利益 我哋一開始就唔會做朋友

我亦都唔會講咁多數字電台，咁多機密俾你知」

「」講唔出任何一句說話

就等同好似俾佢刮咗一巴咁

「咁如果你搵到方法走嘅話 你會話比全香港島嘅人聽你搵到方法？」我終於開口

「咁又唔會」

「咁你始終都要衡量利益同埋道德嘅」佢繼續講

「無理由你講左比其他人聽 最後連自己都走唔到架」

「咪係囉」

「如果呢度係一team人既話 頭先嘅情況其實一早已經用咗武力來解決」我繼續講

「所以都係唔好組team 如果唔係好麻煩」

突然間 我個電話又響

「你個電話呀？」

「係呀 原來承哥又打電話來 喂？」

「喂 你最好快啲走啦」

「咩事呀？無啦啦叫我地走？」

「你等我一陣 我搵個安全啲既地方講先」

「係唔係又關輻射事架？」

「唔係呀 仲嚴重過輻射」

「咁係乜嘢先得架」

「到啦 好啦聽住啦」

「我頭先去到紅磡 係講解放軍啲人收到話聽日會入嚟香港島」

「入來咁又點？啲逃犯都已經清理晒成個香港島啦」

「今次唔同 佢哋過嚟係要放炸彈 將逃犯同埋嚟香港島啲人一了百了」

「點解要咁樣做呀」

「好似係話你哋污染左佢哋



「冷靜啲先 可能係一種密碼呢」  
「密碼又點會有0000呢」  
「等陣 有D乜嘢有0000嘅？」  
「年份？」  
「緊係唔係 時間啊」  
「咩時間啊？」  
「零時零分 00:00 可能佢係指呢樣野」  
「咁前面果對火星文又有D乜嘢意思啊」  
「可能同日期有關 但係仲未諗到」  
「咁有啲乜嘢數字用字母架？」  
「代數 但係又唔似係呀」  
「剩係得代數」

「唔係 我突然間諗起啦！」  
「咁係乜嘢？」  
「十六進制！」  
「咩來的？」  
「常用嘅進制有二進制十進制同理十六進制」  
「咁你講重點啦」  
「得十六進制有字母 - ABCDEF」  
「冇錯呀」  
「擺計數機來先」

我擺起我抬頭個計數機比佢

「MODE3 1337A20 DEC搞掂！」  
「20150816？」我望住計數機講  
「全文即係 - 20150816 0000」  
「係日期同埋時間」  
「今日係14號 星期五 即係兩日之後？」  
「咁兩日之後發生咩事呀？」

## Ep.22

「下午二點 依家由黃維為你報道一節新聞 前往香港島救援嘅解放軍再發現多名生還者 該生還者為內地旅行團旅客 解放軍表示目前正在全力搶救生還者 並正送往醫院 目前情況穩定 特首梁圳英感到安慰」

「20150816 會唔會係之前同你同事講放炸彈嗰單嘢有關？」

「唔撚係嗰日放呀 咁我哋咪就剩係得兩日可以走？」

我哋喺度討論緊啱啱嘅發現

「咁有乜方法走啫 依家成個維港就好似個柏林圍牆咁 過都過唔到去」

「游水過去又係死硬 真係冇乜方法過到去」

「我哋真係被困係香港島」

「哎呀仆街啦！」阿Sam突然間大叫

「做乜撚野呀 嚇死我呀頂」

「我尋日跌咗啲嘢係條街到呀！」

「乜嘢咁重要呀」

「我部手機呀 我頭先又電果時先發現 但係又唔記得咗」

「咁撚大鍋！俾人搵到厚福街喎！」

「咁落唔落去搵返啊？」

「仆街拿 執返又驚俾人發現 唔搵返嘅話又驚俾人搵到我地」

「等陣先 你試吓打電話俾我 睇吓有冇人聽」

「good idea！」

我即刻令部電話打阿Sam

「你嘅電話暫時未能接通 請係」

「好彩未俾人執到姐」

「咁依家問題係 我哋究竟應唔應該落去？」

「我認為有需要 因為如果我哋爆咗光就好大鑊」

「既然你咁講 咁就落去啦」

依家下邊一片平靜 但係條街好混亂

成個景象就好似粉飾太平咁

成個暴風雨前嘅平靜mode

「頭先行嗰邊呢」阿Sam周圍搵

「你頭先好似係嗰度行過黎架」

「問題係我唔知係邊度跌呢」

「嘩嚇撚死我」突然間我個電話又響

「你同事又有搵你啊」

「好似係 喂？」

「喂你依家係邊啊！」

「我陪緊我個朋友搵電話」

「即係你喺條街度？」

「係呀」

「快啲離開啊！佢哋就快上岸啦！」

「係邊度上岸先？」

「中環碼頭呀屌！」

「咁撻大鍋！！」

「仆街啦！佢哋已經上咗岸啦！總之快啲走啦！」

「大佬我係路中心 仲要有人唔見咗電話 我點走啊」

「唔理你啦 總之走啦！」

「喂阿Sam 佢話解放軍煞到來啦！仲搵！」

「搵到拉！快啲返去啦咁！」阿Sam講

「你哋快啲返嚟啦總之 我都唔可以同你講咁多」

「你咁就收線啦！」

\*收線\*

「屌！」

就係依個時候 突然間聽到後面有人同我地講

「放低你地手上嘅手機！否則開槍！」

## Ep.23

「下午三點 依家由張浩軒為你報道一節新聞 一號戒備信號現正生效  
目前位於南海北部既強颱風尼伯特已經增強為超強颱風 天文台表示 尼伯特正在移向華南沿岸  
並將會係星期六至星期日最接近本港 有啲路徑較為難預測 目前未能準確預計喺邊度登陸」

「我叫你放低部手機啊！」  
我見到我後面有一大班着住好厚嘅保護衣  
仲要攞住好幾枝機關槍  
「使唔使呀」  
「唔好問 總之立即放低你地部手機！」  
「點解你一定要我哋放低部手機？」  
「唔好問咁多 再問我就開槍！」佢攞住支瞄住我

「喂咁點算好啊」我細細聲問啊Sam  
「咁冇可能就咁就投降架」  
「咁可以就去邊」  
我哋依家企係十字路口 我望一望我附近嘅建築物  
望到附近有個雞乸咁大嘅Apple logo  
Apple Store? 我哋幾時行到咁遠架  
「咁不如行人去香港站避下先？」  
「香港站? 我哋有行到咁遠咩？」  
「你哋喺度講乜春啊 快啲放低部手機！」  
「唔撚理啦! 總之走！」  
「仆你個街 追！」

「跑去邊啊！」  
「咪香港站囉！」  
「香港站邊度先得架！」  
「入到去先講啦！」  
「開槍啊！」  
我哋入到去之後 沖開入咗去  
佢哋都跟隨在後

「跟住點啊 落去定係入國金？」  
「兩條路都唔好行 過隧道去中環！」  
「咁又做乜入關？」  
「擺脫你後邊班人！」  
「但係佢哋都住緊上來嗶！」  
「總之跑呀！」

我哋轉入去隧道之後 一直係行人電梯度狂奔  
沿途仲聽到一啲槍聲  
「仆你個街! 你而家先打電話來！」我又收到承哥電話  
「喂我依家逃走緊呀! 做乜又打電話來啊！」  
「我又收到風 話後日會炸島呀啊！」

「屌我一早知啦！」  
「唔係呀話你點知架？」  
「唔好問住先啦 你仲有冇野講！」  
「有啊！原來佢地炸唔係為咗殺死你地」  
「咁又係為左啲乜撚野呀！」  
「佢哋係為咗防止個風暴帶晒啲輻射塵上內陸呀！」  
「唔撚係呀！」  
「咁咪要好勁嘅爆炸先做到！？」啊Sam突然間插嘴  
「呢層我就唔知道 因為我冇見過個炸彈」  
「喂冇嘢講我收線啦！我要偷走架！」  
「OK 有嘢再打俾你」

「仆你個街終於跑到去中環！」  
「但係佢哋仲追緊上嚟啫！」  
「快啲跑返去棟大廈度先啦！」  
我哋越跑越遠 佢哋開始追唔到上來  
「屌 應該擺脫左佢哋啦啫」我係咁喘氣  
「睇來就係啦」  
「算啦有乜嘢上左去先講」  
我哋入電梯 上返去56樓

「仆街 好彩走得甩姐」  
「痴撚線 搵手機就撞正佢哋 有無咁黑仔啊」  
「話說佢哋過嚟做乜架 又唔係殺人」  
「放炸彈啊麻 你咁快唔記得左啦？」  
「唔係 我諗唔起啫」  
「呀頂！唔記得問佢佢哋喺邊度放！」  
「細聲啲啦 你唔驚佢哋會聽到啊」  
「得 但係你知唔知佢係邊度放啊？」  
「唔知啊 但係如果承哥知道嘅話 一早講咗比我哋知啦」  
「咁又係嘅 但係唔知佢係邊度放 我哋要走去邊？」  
「你想跟住解放軍行 跟住搵個炸彈？」  
「做唔做得到啊？」  
「邊有可能做到 你又唔識拆彈」  
「咁我真係唔識嘅 但係你搵到用方法離開？」  
「我就係打算一陣打電話去問」  
「你依家唔打俾佢？」  
「我驚啲解放軍知道我地呀」  
「咁又係」

我哋係56樓望住個夕陽 係咁飲水  
「話說 你講唔覺今日個天特別紅啊？」

## Ep.24

「上午九點 依家由黃維為你報道一節新聞 三號強風信號現正生效  
超強颱風尼伯特目前集結係香港之東南約380公里 目前向西北方向移動 時速25公里  
大致移向華南沿岸  
天文台表示 尼伯特將會喺凌晨最接近本港 屆時香港將會有狂風大驟雨」

「喂？要做大單野啊！」  
我打電話俾承哥 問佢一啲問題  
「咩事先」  
「我要向你擺啲資料」  
「咩資料啊？」  
「第一 你知唔知佢喺邊度放炸彈？」  
「拿我唔肯定 但係我聽到好似話係山頂」  
「凌霄閣嗰度？」  
「應該係附近掛」  
「OK咁第二 你知唔知邊度有果條秘密過海隧道？」  
「秘密過海隧道？」  
「係呀有冇聽過？」  
「有就有 但係我唔肯定喺邊度」  
「咁你講咗出嚟先啦」  
「聽講全部過海隧道都有條後備 但係我唔知邊度有破壞度」  
「照咁睇 行車嘅過海隧道都破壞晒 而且荃灣線果條都比海嘯沖爛埋」  
「咁剩低嘅就剩係得東涌線同埋機場快線」  
「全部都係香港站」  
「OK 咁我哋試吓去香港站搵吓」  
「喂等陣 你唔驚佢哋搵到你咩？」  
「既然你話佢哋去晒山頂搞炸彈 咁應該唔會搵我地」  
「咁呀 你地小心啲」  
「你嚟唔嚟接我地？」  
「我都唔知係邊 而且我都去唔到」  
「咁好啦 你係講面繼續收風 有啲咩事打俾我哋」  
「好」\*收線\*

「好啦 咁我地唯有出發 再留喺度都無意思」  
我哋離開我逗留左四日嘅辦公室  
帶走所有有用嘅嘢 離開

「做乜個天咁黑嘅 明明都快十點啦」  
我望住個天 完全冇太陽出現  
「喂你有冇帶雨衣啊？」阿Sam問我  
「仆街啦冇呀！」  
「咁去七仔擺啦」  
「七仔仲有咩？」  
「我知道有一間仲有」

我哋又行過去嗰間七仔

「喂仲有冇雨衣買？」

「有 25 蚊件」

「呢個時候仲25蚊？」阿Sam問

「算啦咪俾佢囉」

「OK兩件」

「話說你真係唔走啊？」

「走黎都冇用 都係走唔甩」

「未試過又點知呢？」

「試唔試個結果都係一樣 咪做到死為止」

「呢個人真係 奴性勁到呢」

「反正遲早都係死」

「唔同你講咁多啦 走先」

講完之後我哋急急腳走人

「多謝光臨 下次」

「總之冇下次架啦！！」

「你實你有冇方法可以令到個炸彈唔爆？」

「睇吓佢用咩方法引爆囉」

「咁你知唔知呀？」

「頭先逃走嗰陣時好似見到佢係用無線型」

「即係點 呢度就淨係得你識得呢啲嘢」

「即係用無線電來引爆 但係唔知佢用乜嘢頻率 唔同牌子有唔同頻率」

「咁你又睇唔睇到呀？」

「邊可能睇到咁多野啊大佬」

「咁點啊 係咪冇方法架」

「咁又唔係嘅 好彩我有帶家產來啫」

「做乜擺個鑊出嚟啊？」

「呢個唔係鑊囉好無 呢個係發射器」

「你喺邊搵到買啲咁嘅嘢架！」

「地下交易囉 市面上邊有啲咁嘅嘢買架」

「咁有乜嘢用啫 叫佢唔好引爆呀？」

「緊係唔係喇 呢個強力發射器來嘅 我哋可以用呢樣野來干擾訊號」

「點樣干擾呀 你又唔知個頻率」

「其實都唔算係干擾 我問你 你有冇詩歌聽電台無啦啦聽到大陸台？」

「有啊 咁又點呀？」

「我哋就係用呢個原理 黎overwrite個引爆Signal」

「咁你點知佢咩頻率？」

「我見過類似嘅牌子 我哋只要係佢個頻率範圍度干擾佢就得」

「咁你個發射器有咁勁咩？」

「算勁嘅 但係一定唔夠解放軍嗰邊咁勁」

「咁點干擾呀 人哋咁勁」

「唔係 你諗下佢哋要引爆個炸彈又點會咁近個炸彈啊 一定係遠距離度引爆」

「咁又點？」

「我哋就一定比佢哋近 可以覆蓋到佢嘅信號」

「咁複雜嘅」

「總之 按道理上就得嘅 但係實際就唔知」

「仆街真係落雨 好彩有買雨衣」

「而且都好大風 好似打風咁」

「喂仆街水浸既！」

「唔係啱 咁快又水浸」

沿途上好多野都刪落滿地

好多垃圾滿天飛

「嘩屌個招牌爭啲林落我個度！」

「好彩行得快啫」

原來而家香港島已經變成咁 直頭無人管理

「氣候 變壞 雨大浪大

浸過了購物大道 尚愈鬧愈大

而何時救援還未到

正派往遠方打仗 不可上街

管理層滿是實戰派

誰和誰慘被沒埋 不可多咀表態

繁榮和安定正在瓦解」

## Ep.25

「下午三點 依家由黃維為你報道一節新聞 三號強風信號現正生效 天文台宣佈 將會係三點至五點發出8號信號 超強颱風尼伯特目前集結係香港之東南約230公里 目前向西北方向移動 時速25公里 大致移向華南沿岸一帶 尼伯特將會喺凌晨最接近本港 並將會有狂風大驟雨」

「終於嚟到香港站」  
我一入到門口 我仲以為去錯左站  
全部都無人 仲要得返幾盞燈着住  
「係咪香港站黎架？」  
「梗係啦 只不過唔係我見慣個個啫」  
「平時呢度都好多人啊 而家變到好似鬼屋咁嘅」

我哋行咗一陣 全部商店唔係門晒門就係俾人偷晒啲嘢  
地下周圍都係一啲包裝紙 雜物  
有少少好奇究竟係點嚟嘅  
當然 全程就剩係得我哋兩個喺呢度  
完全發現唔到有人

「行咗咁耐 不如落去月台去睇下啦」  
「咁咪去囉」  
閘門早已經壞咗 直頭可以衝入去  
電梯已經全部變曬樓梯 全部固定晒  
樓梯嘅燈光亦都好弱 每落一級 就越來越暗  
「嘩屌依啲乜嘢嚟！」我隻腳踩到啲嘢  
「水來架大驚小怪」  
「屌 即係而家成個月台都比水淹沒晒？」  
「睇嚟就係啦」  
「咁樣點樣搵個條隧道啊」  
「會唔會已經浸埋」  
「唔撚係呀 會唔會有其他路可以入到去？」  
「我都冇做過港鐵 我點知啲啲結構姐」  
「唔搵嘅話我驚我地真係會死係呢度」  
「咁唯有周圍再搵吓啦」

我哋行咗好耐 周圍都搵過  
客務中心 管理處 詢問處 就連廁所我哋都去過  
最後都係 搵唔到  
「喂大佬 已經搵左成粒鐘咯 都仲未有任何發現」阿Sam同我講  
「繼續搵啦 一定會搵到嘅」  
「喂再咁搵落去唔係辦法架咯」  
「咁都冇辦法架 唔通好似個個七仔服務員咁企喺度等死啊？」  
「我唔係咁嘅意思 即係但係你都搵過晒囉 再搵來都冇意思啦」  
「咁你有可能Miss左架嘛」  
「你都搵左兩次啦 再搵落去真係咩時間架咯」

「咁你想點先？」

「我想暫時停低諗一諗究竟仲有啲乜嘢方法 明明知道冇嘢喺度你都要繼續搵既話都係冇用架」

「OKok 咪停一停諗一諗囉」

之後我哋沉默左十分鐘

「咁究竟點姐 我又諗唔到方法」

「既然依一條浸咗 仲有冇其他？」

「我唔知道啊 我又唔係成日搭港鐵」

「冇理由得三條過到對面咋喎」

「屌睇後面嗰個路線圖啦 雖然我都係啱啱先發現」

「係喎頂 我一直都睇唔到」

我哋喺度瘋狂咁樣望住幅路線圖

「搵手機影低佢先」

「港島線北角將軍澳線！」佢突然間大叫

「咩事？」

「原來我地一直漏左將軍澳線 原來佢可以過海！」

「我根本都好少搭呢條線 基本上可以話無 話說個站點樣去嫁？」

「北角 距離呢度好遠喎 嗰度係港島東來喎」

「咁點去先」

「一係由港島線行過去囉」

「嘩你都痴撚線咁遠」

「唔通揸車去咩」

「揸車？點樣揸過去？」

「係干諾道直踩去東區走廊 再轉入去英皇道囉」

「你又咁熟嘅」

「之前揸車去過 但係架車已經賣咗啦」

「原來係咁」

「咁而家唯有行過去喎 又冇車」

「我有車嘅 雖然我都唔想揸 但係條命仔重要啲」

如是者 我哋就要飛去北角站

## Ep.26

「下午五點 依家由黃維為你報道一節新聞 天文台係四點四十五分發出八號東北烈風或暴風信號 超強颱風尼伯特目前集結係香港之東南約180公里 目前向西北方向移動 時速25公里 大致移向珠江口一帶 天文台表示 唔排除改掛更高風球」

「屌！好撻大風啊！」  
我哋逆風而行 就算着咗件雨衣  
入邊件衫都已經濕晒  
而且仲有有種窒息既感覺  
「係咪就係呢度啊？」  
「唔係啊！再前啲啦！」  
背景夾雜着來自唔同地方嘅噪音  
係風雨之間 講嘢要好大聲先聽到  
我望住個天越嚟越暗 連街燈都自己着咗  
情況就好似三年前咁 又係咁樣大風大雨

「仆你個街終於到啦！」  
「仲唔快啲行上去？」  
我哋好辛苦咁樣行上去 因為樓梯啲窗全部打開晒  
全部都係比風吹開左  
「你架車呢？」  
「系後邊呀！」

我哋順利入左車  
「屌架車個收音機壞咗！樓極都撈唔到台」  
「收到先算啦」  
「咁聽歌好過」  
以前我儲落好多CD 留返嚟播  
依家總算大派用場  
「呢首乜嘢歌黎架」  
「點知隻 以前儲落個啲嚟嘅」  
「你唔鍾意嘅咪播第二首」  
我是旦將一隻碟插入去

「爆裂 散落 折翼墮下」  
「又係依首?!」  
「咩事？」  
「無野」  
「又會咁啱嘅」

我直接踩油衝紅綠燈 因為都無停嘅需要  
「限制時速八十？收撻皮啦」  
就算而家俾人影快相都冇所謂  
「踩快啲啦 我驚趕唔切呀！」  
「好快架啦 你驚佢炸死我哋？」

「係呀！佢根本都唔係炸嗰個風 佢係想殺死晒我地！」  
「咁何以見得」  
「我發現佢啲炸彈根本唔係擺上山頂 佢擺係市中心度！」  
「你又知？」  
「有得偷聽咁嘛」  
「咁佢引爆嗰時我哋咪死得？」  
「所以咪叫你快啲囉！」  
「你有方法干擾佢咗？」  
「咁多都干擾唔切呀！」  
「而家唯一嘅方法就係離開」

可惜我已經退休 將這裡轉交你手  
即使你錯手 摧毀一切炸出缺口  
不可以插手 只可打氣拍手  
恭賀人類 伸出殺手

就是這樣 家產給你接收  
總要去的 不要留  
就是這樣 蒼生可以退休  
歡送爆開 的氣球

## Ep.27

「下午五點 依家由黃維為你報道一節新聞 天文台係四點四十五分發出八號東北烈風或暴風信號 超強颱風尼伯特目前集結係香港之東南約180公里 目前向西北方向移動 時速25公里 大致移向珠江口一帶 天文台表示 唔排除改掛更高風球」

「Hi！好向左走向右走大風啊！」  
我哋逆風而行 就算着咗件雨衣  
入邊件衫都已經濕晒  
而且仲有有種窒息既感覺  
「係咪就係呢度啊？」  
「唔係啊！再前啲啦！」  
背景夾雜着來自唔同地方嘅噪音  
係風雨之間 講嘢要好大聲先聽到  
我望住個天越嚟越暗 連街燈都自己着咗  
情況就好似三年前咁 又係咁樣大風大雨

「亞太區有一天成為亞太區你個街終於到啦！」  
「仲唔快啲行上去？」  
我哋好辛苦咁樣行上去 因為樓梯啲窗全部打開晒  
全部都係比風吹開左  
「你架車呢？」  
「系後邊呀！」

我哋順利入左車  
「Hi架車個收音機壞咗！樓極都撈唔到台」  
「收到先算啦」  
「咁聽歌好過」  
以前我儲落好多CD 留返嚟播  
依家總算大派用場  
「呢首乜嘢歌黎架」  
「點知隻 以前儲落個啲嚟嘅」  
「你唔鍾意嘅咪播第二首」  
我是旦將一隻碟插入去

「爆裂 散落 折翼墮下」  
「又係依首？！」  
「咩事？」  
「無野」  
「又會咁啱嘅」

我直接踩油衝紅綠燈 因為都無停嘅需要  
「限制時速八十？收向左走向右走皮啦」  
就算而家俾人影快相都冇所謂  
「踩快啲啦 我驚趕唔切呀！」  
「好快架啦 你驚佢炸死我哋？」

「係呀！佢根本都唔係炸嗰個風 佢係想殺死晒我地！」  
「咁何以見得」  
「我發現佢啲炸彈根本唔係擺上山頂 佢擺係市中心度！」  
「你又知？」  
「有得偷聽咁嘛」  
「咁佢引爆嗰時我哋咪死得？」  
「所以咪叫你快啲囉！」  
「你有方法干擾佢咗？」  
「咁多都干擾唔切呀！」  
「而家唯一嘅方法就係離開」

可惜我已經退休 將這裡轉交你手  
即使你錯手 摧毀一切炸出缺口  
不可以插手 只可打氣拍手  
恭賀人類 伸出殺手

就是這樣 家產給你接收  
總要去的 不要留  
就是這樣 蒼生可以退休  
歡送爆開 的氣球

## Ep.28

誰在背後拼命地追趕著我嗎  
何事腳下每步路都有汗跌下  
持續了十里腎上腺分泌還在加 喘氣吧

「前面嘅人快啲停低同埋投降！」後邊有人用擴音器講  
「Hi Hi！都話佢哋追到上嚟架啦！」  
「Hi 你重講咁多做乜啊！我起飛啦！」  
「最後警告！再逃走就引爆架啦！」擴音器講  
「咁就更加要走快啲啦Hi！」

好彩我頭先上左車 如果唔係走唔切  
我即刻踩盡油門 去返頭先個條路  
「Hi Hi依架車係唔係防爆架！」  
「唔理啦Hi！坐穩呀！」  
我亂咁兜路 驚佢哋會追到我  
仲要係能見度咁低嘅情況下揸車 真係好易炒車  
條路仲要滑都Hi Hi

「攻擊！」我隱約聽到D聲  
但係我完全聽唔到爆炸聲 可能係比風雨聲籠蓋左  
「等陣！」我突然問諗起啲野  
「你又話可以干擾佢哋嘅？」  
「啊係喎 五記得左」  
「咁你宜家做唔做到啊？」  
「你等陣」我繼續風馳電掣咁樣喺大街小巷狂奔  
搵緊路兜返上去高速公路 同時又要唔俾佢哋睇到  
「捉唔到佢哋好向左走向右走大鍋架」又係隱約咁聽到  
貌似佢哋用大聲公講嘢  
「搞掂！」  
「咁而家點？」  
「我依家干擾緊佢哋通訊」  
「咁即係點呢？」  
「即係佢哋嘅通訊中斷」  
「咁可以打斷佢哋嘅計劃 佢哋多數分組行事 中斷佢哋嘅通訊令佢哋冇辦法同大家溝通」  
「咁總之成唔成功先」  
「理論上就係嘅 唔知佢哋有冇其他方法囉」  
「咁至少令到佢哋搵到我哋嘅機會降低」  
「終於上到高速公路啦！」  
「咁快啲走啦！我干擾到唔係好耐架咋！都是我驚佢哋搵到」  
「得得得我知架啦」

上咗東區走廊之後 覺得好鬼奇怪  
平時呢度塞滿晒車 唔係塞車都唔好得去邊  
但係而家一架車都冇 咁我點揸都行

而且佢哋都再冇追來  
事關我開快車 上左段時間之後  
已經見到一個牌

「1/2Km North Point 北角」

## Ep.29

「下午七點 依家由黃維為你報道一節新聞 天文台係七點正改發九號烈風或暴風增強信號 超強颱風尼伯特目前集結係香港之東南約130公里 預料向西北方向移動 時速約25公里 大致移向珠江口一帶 目前尼伯特正穩定靠近本港 並唔排除會橫過本港」

「到啦！到北角啦！」我興奮到大叫

「唔好咁大聲啦 我驚俾佢哋聽到」

「你岩」

「轉左入去就應該好快到」

「係 而且都見到有地鐵牌」

我落咗橋之後 過埋抽水站就轉入街口  
啲風越夜就越大 大到連窗都唔敢開

「幾經辛苦終於到北角站個門口啦」

「但係呢個時勢點落車」

「衝過佢囉 驚乜嘢啫」

「我唔驚嘅 但係我啲儀器會壞㗎」

「你要命定係要儀器先？」

「我驚有需要嗰時用唔到」

「我驚你到時無命用咋！」

「我真係唔係好捨得呢」

「拋棄你女朋友啦 學你話齋再留低嘅話我驚我哋無一幸免啊」

「真係要咁做？」

「俚你中意嘅咁你咪成世留喺架車度囉我連我架車都捨得拋棄」

「咁行啦」

「快啲啦咁 跑過去啊！」

雖然我地跑過去嘅路程唔係好長 但係依然見到佢依依不捨咁望住架車  
仿佛佢好似想返返去咁

「OK 睇吓邊度係馬鞍山線先」

「係依邊呀」

「等陣先 點解香港站會咁暗 但係呢度仲係燈火通明嘅？」

「又好似系㗎 冇理由嗰到咁暗 呢度又冇事架㗎」阿Sam問

「會唔會係佢哋特登破壞？」

「唔理咁多喇 走咗先講啦」

我哋企係仲運作緊嘅電梯 慢慢落去月台度  
雖然月台有幾盞燈都已經壞咗 但係依然都好光

「咁岩有架車係月台度既？」

「但係架車啲燈黑晒㗎」

「入去睇吓先呀」

「等陣 為咗證明呢個唔係一個伏 我哋唔好行晒入去」

「使唔使呀」

我依住佢咁樣做 無論我哋做咗啲乜 都係無反應

「係你緊張過度咋」

「咁都叫做係安全啊」

「行去車頭搵吓先」

我哋幾乎以跑嘅速度行去車頭

「開咗既道門？」

「好似成架車都有電喎」阿Sam講

「咁而家點呀 行路過海？」

「唔係 試吓過去鯪魚涌個度睇下有冇車」

「唔撻係呀 你唔係要我由呢度行過去鯪魚涌呀？」

「咁你有冇其他方法啊」

「揸車去啊」

「但係上邊好危險喎」

「你行到過去都俾佢發現左啦！你知唔知有幾遠啊！」

「ok ok.. Stick with you..」

我哋又上翻架車 又開始我哋嘅旅程

## Ep.30

撞進了冰山 捲上了急灣 一秒從未想折返  
就望到了 就能望到了 終會踏足這峽灣  
劃破了風衣 丟了救生衣 未曾想過會倖免  
若生於某個 總擠不進我地點 註定遠征一遍

咁幾乎全身濕曬咁樣入左架車 套雨衣基本上已經無用  
入邊已經全部滲晒水 仲要大風到基本上企唔穩  
但係我哋行咗一段路之後 聽到後邊有啲怪聲  
我望一望倒後鏡 見到好幾架類似裝甲車  
「仆街啦 佢哋又搵到我哋啦！」「  
真係點解成日搵到我地 唔知究竟佢哋有幾多人運作緊

「都叫咗你唔好上返架車架啦！而家又俾人追啦！」  
「我點撚知啫！我唔想行路過去呀嘛！」  
「你一開始行路過去咪冇野囉！」  
「咁我真係唔想行呀嘛 而且我點知佢哋又追到嚟嘅啫！」  
「你咁樣瘋狂駕駛法我真係唔知會唔會死」  
「總好過行成世同行唔到過去啊！」  
「但係依家又比班癡線佬追呢！」  
「賣甩佢哋有幾難！」  
「但係我哋趕時間啊嘛！」  
「屌你宜家都上咗車啦！仲講乜撚野呀！」  
「我都係講事實姐！」  
「你一係依家落車行過去啦！」  
「你」  
佢突然間靜左一下

我兜咗幾個彎 跟住停一停低  
「你係咪認真先？」佢突然間問我  
「咁你係咪真係行過去呀？」  
「咁我就行俾你睇」  
「喂你真係行架？」  
佢冇講到野  
「喂你應下我啦！」  
佢拎埋佢啲嘢 開咗車門落車  
「既然你唔信任我嘅話 繼續行都冇意思」  
「屌你真係走啊！」  
「算啦 有緣再見」佢門埋道車門  
「屌你老母你真係認撚真架！」我大聲叫佢  
佢冇回應我 亦都有機會係聽唔到我  
「我同你講吓笑嘅咋！咁撚認真做乜嘢！」  
都係冇應到我

阿Sam係啲唔講得笑嘅人 講一兩句佢就認真

唔知點解佢真係好執着 無論大問題定係小問題  
「唉算數 唯有自己做獨行俠」  
唔怪之得佢中學嗰陣咁少朋友

「終於揸都嚟呢度啦 鰂魚涌」  
我停咗喺鰂魚涌站一個出口度  
入邊同北角站差唔多 一樣都係燈火通明  
「好啦睇埋落去先」  
將軍澳線月台嘅位置同樣都係有架地鐵係度  
唔同嘅係 今次呢架車有電  
個駕駛室咁岩又打開咗

我係做文員之前 曾經做過地鐵車長  
因為之前我仲面試緊 而且要等好耐先有消息  
亦都有因素係我女友  
而之前我係都有學過相關知識  
所以我就暫時做咗車長  
但係而家 呢個技能就大派用場

但係而家我腦海浮現一個問題  
「應唔應該搵返阿Sam？」

# Ep.31

\* 同一個時間點

「頂又發惡夢！」

自從海嘯發生左之後 就差唔多每晚都發同一個夢

我見到老婆同個仔企係屋頂求救

「點解爸爸仲未到？」

同樣嘅夢已經發左好多次

簡直係心靈折磨

所以我一直到而家都係失眠

「唔得！我唔可以睇住佢死！」

「喂你去邊啊！」

我由紅磡再出返元朗 我始終都係放唔低老婆同埋我個仔

「我返嚟救你呀！」

「屌依家先來壞！」

可能係因為打緊風 西鐵嘅供電纜中斷

架車擦極都郁唔到

「咁唯有用其他方法」

我坐上咗停泊係路邊嘅一架小巴 嘗試揸架車

「咁鬼難控制嘅」

我從來未揸過小巴

莫講話揸 我連搭都好少搭

架車搖來搖去 連揸直線都有困難

備震又廢 出面仲要大風大雨

令到我爭啲炒車

「天文台係九點四十五分改發十號颶風信號 超強颶風尼伯特目前集結係香港之東南約75公里 預料向西北方向移動 時速約25公里 移向香港 目前尼伯特正穩定逼近 並會喺凌晨登陸本港」

因為我唔係好識揸車 所以我都係揸返我平時搭開既968路線

即係過長青隧道再過汀九橋條路線

沿路上一架車都冇 我簡直就好似玩緊灣岸咁

分別在於完全冇車同埋大風大雨

啲雨直頭好似打橫咁樣掃落嚟 外邊嘅能見度差唔多等於零

揸車嗰陣路面好濕滑 轉個彎都已經郁得好勁

仲要加上出面橫風橫雨 簡直差到冇朋友

啱啱經過嘅收費站無人 就直踩入去隧道

當然入左隧道 架小巴就易揸好多

簡直就好似回復正常

「邊個係呢個時候打電話來」我聽到電話響

原來係啊Ken打電話來

「喂？」

「喂你喺邊呀 收得咁差嘅！」

「我係隧道入邊就梗係啦！」  
「你做乜無啦啦入隧道啊？」  
「去搵人啊！咁你打你又做乜啊！」  
「冇 我想問你一個問題」  
「講」  
「應唔應該出去救我個friend好？」  
「乜嘢friend先？識咗一陣嗰啲緊係唔好啦」  
「我個中學同學」  
「你地唔係一齊㗎咩？做乜其中一個會出事架？」  
「因為有意見分歧 唔好問咁多啦 我淨係想知你覺得救唔救好！」  
「你兩個嘅嘢我點搵知啫！你仲走來喺度鬧我！」  
「咁係呀媽 救佢我隨時都可能無命 但係唔夠佢又好似好缺德」  
「你啲你問題啦 我點知你點決定姐！」  
「我就係決定唔到先打嚟問你啫！」

就係呢個時候 我傾住電話係橫風橫雨嘅天氣下搵上左汀九橋

## Ep.32

「咁你究竟自知想點架？」

「你講乜嘢啊？我聽唔清楚啊」

佢個面啲雜音嘈到我也都聽唔到

「我係話 咁你究竟自己知唔知想點」

「我依家想走 但係一個人走又好似背叛左佢咁」

「咁咪仲趁出去啦！」

「你講乜搵野呀！你個邊好嘈啊！」

「我話 - 」

跟住傳來一堆拍拍聲

「喂？喂？你係咪跌咗部電話！」

\* 收線 \*

「屌你老母講到一半又cut我線！」

「但係而家點樣」

我冷靜左落黎 望一望個鐘

「依家十點半 十一點九要走 咁唔係淨係得返一個鐘去搵佢？」

「雖然唔知搵唔搵得切 但係都總好過一了了之」

我做咗個決定 就係落去搵佢

呢個決定雖然好冒險 但係為左兄弟都值得一試

我決定去返我哋頭先各行各路個個街口度搵吓

「唔見佢啫」

我行搵晒附近嘅地方 都見唔到佢

但係而家我唔敢大聲叫佢 因為怕引起其他人嘅注意

我有冇講一個有效率嘅方法搵到佢

我連電話都打埋比佢 但係都係飛去留言

咁唯有繼續用地氈式搜查

突然間我聽到遠處傳來槍聲

我分析唔到有幾遠 因為完全比風雨聲遮蓋咗

我繼續喺附近搜尋 越搵我就越驚有啲乜嘢事發生

我唔敢面對事實

最後 我係一個好窄嘅街巷搵到佢